



مشیت جلیلمہ اسلامیہ نمک جریدہ رسیہ سید

جادی الاولیٰ ۱۳۳۴ [*]

عدد: ۲۳

آیدہ بر نشر اولنور

اوپنچی سنہ

آیری آیری یا بیلان حسابلر یکوننه و نما تحصیلات مقدارینه موافق اولدینی اکلایشدن صکره یوقاریده کی تعریف وجهله یتیم حسابلرینه قید اولنور انحق یوزده یدنی بحقدن نقطان نما ویرلدیکی زمان ارتق اکرامیه و احتیاط آقچیلیقی توزیعنه امکان قالماز.

مثلاً هر یتیمک اساس دفترینک ملاحظات خانه سنده کی حاصل ضربلر بقیه سندن جدوله قید اولنان اعداد یکونی (۸۵۵۲۰۰۰) وادانات مشترکه نمایی تحصیلات مقداریده (۸۰۹۲) غروشدن عبارت اولسه بو (۸۵۵۲۰۰۰) رقمک (۸۰۰) رقمه تقسیمندن چیقان مقدار (۱۰۱۱۵) اولدینی جهته بونلره یوزده بحقدن نما توزیع ایتیمک ایچون نما تحصیلاتنک بومقدار اولمسی لازم کلوب حالبوکه المزده انحق (۸۰۹۲) غروش اولدینندن بونک قاج غروش نما توزیعنه متحمل اولدینی بولمق ایچون (۸۰۹۲) رقمی ایل (۳۶۰۰۰) رقمی ضرب ایدر و حاصل ضربی (۸۵۵۲۰۰۰) رقمه تقسیم ایدرز و نتیجه ۶ چقارکه المزده کی نما تحصیلاتنک یوزده آلتی نما توزیعنه انحق مساعد اولدینی اکلایشدن.

ماده ۱۰ — توحید منسکوکات قانوننک طشره ایتم ادا و ملزنده صوراً تطبیقیه سنن امین

تعریفنامه دو

ماده ۱۰ — توحید منسکوکات قانوننک یدنجی ماده سنک صوک فقره سنده خزینیه عائد دیون و مطلوبات سابقه نک لیرا یوز غروش حسابیله تأدیه و تحویل اولنه جنی محور ایلده ماده مذکوره فی توضیحاً مالیه نظارتندن کوندریلان تعلیماتده، فقره مذکوره نک امانت آقچیلره شامل اولدینی و بناء علیه خزینیه قانونک نشرندن اول تسلیم ایدلمش اولان امانت آقچیلرک فرقنک تنزیلله اوست طرفنک لیرا یوزدن تسویه اولنه جنی بیان ایدلمش و ایتم صندوقلرنده بولنان ایتم و ترکه آقچیلری ده خزینیه نک دیون و مطلوباتی جمله سندن اولیوب امانت حکمده بولمش اولمسنه منی بولنردن متولد دیونات و مطلوباتک ده فرقنک ایضاحات آتیه دائره سنده تنزیلی تقرر ایتمشدن.

ماده ۲ — قانون مذکورک تطبیقه باشلائسی حقنده مالیه نظارتندن اجرا ایدیلان تبلیغاتده قانونک نشر اولندیگی کون مجیدیه اون طقوز و لیرا یوز ایکی غروش یکریمی درت پاره حسابیله قاصده قیداً موجود اولان مبالغدن آلتون فرقلرینک تنزیلی و مجیدیه فرقک ضمی صورتیله قاصه موجودی قیمت حاضریمه تحویل اولندقدن صوکره یکی معاملاتده باشلائسی لزومی بیان اولندیگی جهته ایتام صندوقلرنجه ده بو صورتله معامله اجرا ایدلمش اریلسی مأمول ایسهده شاید بو معامله شمیدییه قدر تأخر ایتمش بولنورسه اشبو تعریفنامهک وصولی متعاقب تبلیغات مذکوره وجهله قانونک نشر اولندیگی کونه عائد موجود فرقک مجلس ایتام مواجهه سنده تصحیحیله یاپیله جق ضبطنامه لردن برنسخه سنک اوراق مثبتیه اوله رق حفظی و دیگر برنسخه سنک در سعادته ارسالی لازمدر .

ماده ۳ — ایکنجی مادهده بیان اولنان اچقه فرق یومیه نک جنس مسکوکات قسمنده آلتوندن تنزیل و مجیدییه ضم ایدلمش اوله جغندن نوع اموال قسمندهده آلتونک ضرری صول طرفده کی مصرفلره کوره هانکی نوع اموال دن موجود و ارسه آندن تنزیل اولنه جتدر آنجق اموال ایتام و ترکات و اماناتدن نقداً موجود اولان مبالغک بر قسمی مجیدیه و مغشوشه اوله بیله جکی جهته یالکز آلتونک ضرری بونلرک جمله سنک فرقته تقابل ایتیمه جکندن بو حالده یومیه نک ایراد و مصرف صحیفه لرینه نظراً موجود اولان اموالک هر برینک لیرا یوزه تحویلی ایچون تنزیلی ایجاب ایدن فرق آل کاغندن حساب اولنه رق بونلرک جمله سی سرخ ایله حساباتک التندن تنزیل اولنه جق و آلتونک ضررینه نظراً بو فرقلرک یکونندن آرتان قسمی ده « ادانات مشترکه نماسی » میانته قید اولنق اوزره نما ستوننه اچقه کاری اوله رق ایراد یازیله جقدر کذلک شمیدییه قدر مجیدیه اون طقوز غروشه قید اولنان محالرده مجیدیه لرک یومیه ده « مجیدی » ستوننه ضم اولنان کاری ده ادانات مشترکه نماسی میانته قید اولنه جقدر مثلاً شمیدییه قدر معاملاتی مجیدیه اون طقوز حسابیله جریان ایدن بر ایتام صندوقنده قانونک نشر اولندیگی کون قاصدهده ۵۱۳۰ غروش آلتون، ۱۰۲۶ غروش مجیدیه و ۲۵۶ بچق غروش مغشوشه بولنمش اولسه و یومیه دفترینک نوع اموال قسمنک ایراد و مصرف طرفلرینه کوره ۲۰۵۲ غروش ایتام و اوقاف مالندن و ۵۱۳ غروش نمادن و ۳۰۷۸ غروش ترکاتدن و ۵۱۳ غروش اماناتدن و ۲۵۶ بچق غروش خرج و قیدیه دن موجود بولنسه مالیه نظارتنک تعریفاتی وجهله آلتونک فرق اولان یوز اوتوز غروش آلتون ستونندن تنزیل والی درت مجیدیه نک کاری اولان الی درت غروش

مجیدیه ستوننه ضم ایدلمش و مغشوشه ، حالیه براغلمش اوله جفندن و موجود اولان ۶۴۱۲ بچق غروشت بیک یکر می الئیده یکر می الی حسابیه فرقی یوز التمش ایکی بچق غروش اولدیغندن بو فرقدن الی ایکی غروشی ایتم و اوقاف ستونندن و اون اوچ غروشی نما ستونندن و یتیم سکر غروشی ترکات ستونندن و اون اوچ غروشی امانات ستونندن و الی بچق غروشی خرج و قیدیه ستونندن تنزیل اولنه جق و جنس مسکوکاتده التون ستونندن یا پیلان تنزیلاته نظراً فرقی اولان اوتوز ایکی بچق غروش اچقه کاری اوله رق نما ستوننه ایراد یازیله جنی کبی مجیدیه کاری اولان الی درت غروش عینی ستوننه ایراد یازیله جق و بوندن صوکره تحصیلات و تأدیات لیرا یوز حسابیه اجرا ایدیه جکدر .

ماده ۴ — قانونک نشر اولدینی کونه تصادف ایدن تاریخه قدر ایتم اساس دفترلی بکون ایدیه رک ال کاغذنده هر یتیمه عائد حسابلرک ایرادندن مصرفی تنزیل اولندقدن صوکره موجود تقدینه عائد فرق بولنه رق صاغ صحیفه دن و موجودک نوعنه کوره عائد اولسی لازم کلن ستونندن سرخله تنزیل اولنه جق وصول طرفده کی ادانات ستوننده محرر ارقامدن صاغ طرفده ادانات تحصیلاتی حاوی ستون بکونی ینه ال کاغذنده تنزیل اولنه رق باقیسی اولان و او یتیمک کندی نامه یوم مذکورده ادانده کی مالی کویسترن ارقامک بیک یکر می آلتیده یکر می آلی حسابیه فرقی ده بولنه رق صول صحیفه ده ادانات ستونندن و اولمقدار مبلغ یتیمک سرمایه سندن تناقض ایده جکی جهتله مذکور فرق صاغ صحیفه ده کی نقد و ترکات ستونندن سرخله تنزیل اولنه جقدر بو صورتله هر یتیمک موجود نقدیه ادانده کی سرمایه سی لیرا یوزه تحول ایتیمش اوله جفندن معاملات آتیه دوغریدن دوغری یه لیرا یوزدن یا پیله جقدر .

ماده ۵ — زراعت بانکه سی جزؤداننده موجود مبالغک فرقی بالطبع بانکه جه یا مصرف یازمق و یا تنزیل ایتیمک صورتیه اطفا ایدیه جکندن جزؤداننده ایتم اداره لر نیجه بر معامله اجراسنه حاجت اولدینی کبی بونک مقابلی اولان فرقلر ایتم و ترکات حساباتنک تقدی میانند ، طبعیه تنزیل ایدلمش اوله جفندن قیود سائرده دهده بو خصوصده بشقه بر تنزیل اجراسنه لزوم یوقدر .

ماده ۶ — اقراضات دفترلرنده عینی کونده رأس المالدن بقیه اولان مبالغ تحقق ایتدیریلهرک بقیه نک فرقی دفترک بالاسنده اصلندن تنزیل اولنه رق تحصیلات متعاقبه لیرا یوز حسابیه اجرا ایدیه جکدر مثلاً بر مستقرضک مجیدیه اون طقوز حسابیه استقرار

ایلدیکی مبلغ ۵۱۳۰ و شمدی به قدر رأس المالدن تأدییه ایتدیکی مبلغ ده ۳۰۷۸ غروش اولسه بقیه مطلوب اولان ۲۰۵۲ غروش فرق الی ایکی غروش اولدیغندن بواللی ایکی غروش ۵۱۳۰ دن تنزیل اولسه رق ادا نه اولنان مبلغ ۵۰۷۸ غروشه تنزیل ایدیه جک و تحصیلات ستوننه آتیا لیرا یوزدن تحصیل اولنه جق ۲۰۰۰ غروش ده مقدما تحصیل اولنان ۳۰۷۸ غروشه علاوه سیله حاصل اولان یکون ۵۰۷۸ غروشه بالغ اوله رق بالاسیله یکونی توافق ایدیه جکدر نمالر ده تصحیحات اجراسنه لزوم یوقدر چونکه شمدی به قدر نمالر اسکی قیمتله آلدینی کی بوندن صوکراده یکی قیمتله آله جغندن معامله یه هیچ بر تاثیر اوله ماز.

ماده ۷ — ترکات و امانات معاونه دفترلر نده قانونک نشرینه مضادف کونده یکون یاییلوب موجود اولان مبالغک فرقلری بولنه رق ایراد طرفلرندن تنزیل اولنه جقدر امثال بر ترکه دن تاریخ مذکوره قدر ورود ایدن مبالغ ۸۲۰۸ غروش و مختلف تاریخلر ده وقوعبولان صرفیات ده ۱۰۴ غروش اولسه باقیسی اولان ۱۰۴ غروشک ۱۰۴ غروشی صاغ صحیفه دن سرخله تنزیل ایدیه رک تأدیات آتیه لیرا یوزدن اجرا ایدیه جکدر.

ماده ۸ — معاملاتی مجیدیه اون طقوز حسابه یله اولان محالر ده قیمت حاضره یه نظر آ تنزیلی ایجاب ایدن فرقلر ۱۰۲۶ ده یکر می الیدن عبارت اولوب بونک حسابی ایچون مختلف اصوللر موجود ایسه ده تسهیل معامله ایچون یوز بیکده بر خطا قبول ایدیه رک فرقی بولنق مطلوب اولان عدد ۲۵۳۵ و عددینه ضرب اولنور و حاصل ضربک صاغ طرفندن بشل خانه سی افراز ایدیلور سه بر اقلمه ده فرق بولنش اولور بو عملیه نک بر جوق دفعه لر اجراسنه احتیاج اولدیغندن بو بایدیه زیرده کی تعریفات تطبیق اولنور سه فرقلر بر دزجه ده سهولتله بولنش اولور.

« تسهیل ضرب جدولی »

$$۲۵۳۵ \times ۱ = ۲۵۳۵$$

$$۵۰۷۰ \times ۲ =$$

$$۷۶۰۵ \times ۳ =$$

$$۱۰۸۴۰ \times ۴ =$$

$$۱۲۶۷۵ \times ۵ =$$

$$۱۵۲۱۰ = ۶ \times ۲۵۳۵$$

$$۱۷۷۴۵ = ۷ \times \text{»}$$

$$۲۰۲۸۰ = ۸ \times \text{»}$$

$$۲۲۸۱۵ = ۹ \times \text{»}$$

مثلاً مجیدیه اون طقوز حسابیله مقید اولان ۱۸۵۹۲۱ غروشك لیرایوز غروشه
حویلی ایچون قاچ غروش تنزیلی ایجاب ایدیه چکی بولنق ایجاب ایتسه

۱۸۵۹۲۱

۲۵۳۵

۵۰۷۰

۲۲۸۱۵

۱۲۶۷۵

۲۰۲۸۰

۲۵۳۵

۴۷۱۳,۰۹۷۳۵

۴

۳,۸۸

بالاده کی نمونه ده کوسترلیدیکی اوزره بورقك آلتنه بر چیزکی چکیلهرك آحادخانه سندن
بالابتدار هر بر رقك بالاده « تسهیل ضرب » جدولنده کوريله چك حاصل ضربی هر
بری ضربده کی قاعده عمومی و جهله برر خانه صوله کلمك شرطیله الت آلتنه وضع اولنه رق
یکون ایدیلیر و صاغدن بش خانه سی افراز اولنه رق بونك فرقی ۴۷۱۳ غروش اوچ پاره دن
عبارت اولدینی آکلاشیلیر معاملات سابقه سی مجیدیه یکر می حسابیله اولان محللرده ده
فرقك بولنمی ایچون « ۰,۰۷۴۰۷۵ » رفته ضرب ایتك بر میلیونده بر خطا ایله تأمین
مقصد ایدر .

ماده ۹ — یومیه ، اساس ، اقراضات ، ترکات ، امانت دفترلرنده یاپیلان تنزیلاتك
مفردات و جهله بردفتری طوطیله رق مطلوبات و دیونات فرقك یکدیگرینه موافق اولوب
اولدینی مقابله ایدیه چك و توافق ایتزیه یا کش یاپیلدینی آکلاشیله جغندن تکرار تدقیقات

ياپيله جقدر. كسورات فرقدن بش اون غمروش درجه سنده برفرق حاصل اولورسه بونك اچقه كارندن نمايه ايراد يازيلان مبالغدن محسوباً، صرف ويا ايراد يازملق صورتيله محاسبى قابل ايسه ده زياده جه فرق هيچ بر صورتله قبول ايديله من اساس و تركات وامانات دفترلرينك ايراد طرفندن اجرا ايديله جك تنزيلات ديوناته و يوميه دفترينك ايراد طرفيله اقراضات دفترندن و اساس دفترينك مصرف طرفندن و بانقه جزؤ دانندن اجرا ايديلان تنزيلات مطلوباته عائد اولديغندن ديونات و مطلوبات قسملرى آيرى آيرى طويلانلق لازمدر يالكز ايتام نامنه ادا نهك فرقى هم اقراضاتده هم ده ايتام اساسنك صولنده تنزيل اولنديغى جهتله مطلوبات دفترينه مكرر كيره جكندن توازن حصولى ايجون بر مثلنك ديونات دفترينه ده علاوه سى لازمدر ادا نات مشتركه اساس دفترينك صول طرفنده كى ادا نات يكونى او اساسك سرمايه سى ديمك اولديغندن مذ كور اساس دفترنده ادا نات يكونندن اجرا ايديله جك تنزيلات صاغ طرفندن ده تنزيل ايدلمش عد اولنه رق تنزيل اولنان فرق جدولك هم ديون هم مطلوبات قسمنه يازيلوب توازن تأمين اولنه جقدر ادا نات مشتركه اساس دفترنده كى رأس المال تحصيلاتنك فرقى ذاتاً مال صاحبي اولان ايتام حسابلورنده تنزيل اولنديغى جهتله بونده موجود ارامغه لزوم يوغيسه ده يالكز ادا نات مشتركه نما سى اوله رق مذ كور اساسده قانونك نشر اولنديغى كون موجود كورينان مبالغك فرقى مذ كور دفترك صاغ صحيفه سنده كى ستون مخصوصندن تنزيل اولنه جقدر .

ماده ۱۰ — از مير و سائر كهى مجديه يكرميدن فضله تداول ايدن محالرده ايتام اداره لر نجه ده مقدما او صورتله معامله ياپيلمش ايسه او وقتكى ليرا قيمتنك يوزه تنزيلندن تولد ايدنه جك ضرر حساب اولنه رق آكا كوره فرقلر بولنه جقدر .

★
★ ★

خصوص مذكور حقنده يازيلان تذكره عليه صورتى

اخيراً نشر اولنان توحيد مسكوكات قانوننك ايتام اداره لر نجه نه صورتله تطبيق اولنه جنى بعض طرفلردن استيضاح ايدلمش اولسنه مبنى مذ كور قانونك طشره ايتام صندوقلرى قيودينه كوره صورت تطبيقى مابين مربوط تعريفنامه مندرجاتنه توفيقاً معامله ايفاسى

لزو منك تعمیماً قضاة كرامه اشعارى اموال ایتام و بیت المال مدیریقتدن افاده اولنه رق
ایجابی اجرا ایدلمش اولمغله طرف فاضلانهلرندن دخی اکاکوره معامله ایفا ونسخ ملفوفه نك
ملحقات قضاتنه اسراسنه همت اولنمسی سیاقنده شقه محبی ترقیم قلندی

۸ رجب ۱۳۳۴ و ۲۸ نیشان ۱۳۳۲

احتیاجات حاضره دینیه واجتماعیه یه کوره اساس مواعظی تشکیل ایدیه جك موضوعلر :

- | | | | |
|----|--|----|--|
| ۱ | وجود و وحدت باری | ۱۹ | سرقتك حرمتی |
| ۲ | صدق نبوت جناب رسالتپناهی | § | |
| ۳ | دین و ایمانك منافع دنیویه و اخروییه سیله | ۲۰ | اتحاد و وفاقك منافی، افتراق و نفاقك مفسادی |
| | فوائد اجتماعیه سی | ۲۱ | صدق، استقامت |
| ۴ | عقائد صحیحه | ۲۲ | سعی و عملك نظر شرعده موقعی |
| ۵ | دین اسلام بر دین فطریدر | ۲۳ | تجارتك نظر شرعده مرغوبیتی |
| ۶ | اسلامده قضا و قدر و توكلك حقیقتی | ۲۴ | عطالتك سیئات و مضرائی |
| ۷ | اخوت، دینیه | ۲۵ | عدالت |
| | § | ۲۶ | ظلمدن مجانبت |
| ۸ | صلات مفروضه و اسرار و حکمتی | ۲۷ | تعاون |
| ۹ | صوم | ۲۸ | مشورت |
| ۱۰ | حج | ۲۹ | تستر نسوان |
| ۱۱ | زكاة | ۳۰ | تقوی، خوف الله |
| ۱۲ | جهاد | ۳۱ | توبه، شرائط قبولی |
| | § | ۳۲ | نظافت، طهارت |
| | | § | |
| ۱۳ | مسکراتك حرمتی | ۳۳ | مکارم اخلاق، نتایجی |
| ۱۴ | قمارك | ۳۴ | مساوی، اخلاق، » |
| ۱۵ | لهو و لعباتك | ۳۵ | نیمه، غیبت |
| ۱۶ | قتل نفس | ۳۶ | سخا و بخل |
| ۱۷ | اتحار | ۳۷ | کذب |
| ۱۸ | غصب | | |

بو باده کی تذکره علیه صوری :

امر بالمعروف ونهی عن المنکر وظیفه سی متحتم عهده فضیلتلری بولنان علمای اسلامک اوللری بو امر مهمه پک زیاده دقت و بصورتله کرسی ارشاد و تلقینلری اوکنده بولنان اهالی اسلامیه نیک هر وجهله مستفید و مستفیض اولملرینه جداً بذل ماحصل غیرت ایلدکلری حالده بالآخره ترقیات عصریه وبالخاصه احتیاجات دینییه و حادثات اجتماعییه نظردقته آلمیه رق و عظم و نصیحتدن مقصد اقصى اولان ارشاد انام قضیه سی محور لایقنده جریان ایدمه مامش و بو خصوص هیچ بر صورتله قابل تجویز اولمیان مواددن بولنمش اولمسنه مبنی اصول موضوعه سنه توفیقاً و عظم و نصیحتیه صلاحیتدار اولان ذواتک لفاً کوندریلان جدولده اشارت اولنان موضوعلره متعلق مواعظ ایله تنویر افکاره خادم اولملری اسبابنیک استکمالی خصوصنیک تعمیماً قضاة کرامه اشعاری درس و کالتندن افاده اولنه رق ایجابی اجرا ایدلمش و اشبو تحریرات و مافوفی جدولک ملحقات قضاتنه کوندرملک اوزره نسخ کافیه سی لفاً فرستاده قلنمش اولمغله ایفای مقتضاسنه همت اولنمسی سیاقنده شقه محبی ترقیم قلندی .

فی ۱۴ جمادی الآخره سنه ۱۳۳۴ وفی ۴ نisan سنه ۱۳۳۲

☆

معاشلی بر مأموریتک تخصیصات معینه سیله مأمورین موظفه دائمیه تودیعنه مساغ قانونی اولمادیغنی حقنده

دوائر تشکیلات اساسیه سندن اولان بر مأموریتک یومیه ایله ووظیفه منضمه صورنیله معاشلی بر مأموره تفویضی خصوصنیک اوچیوز یکرمی بش سنه سی موازنه عمومیه قانوننیک اوتوزبشنجی ماده سنیک سبب وضعنه کوره جائز اولوب اولمادیغنیک برقرار تفسیرییه ربطی لزومنه دائر دیوان محاسبات ریاست بهیه سندن کلوب شورای دولته حواله ایدیلن تذکره اوزرینه دوائر تشکیلات قانونلری هنوز تنظیم ایدیله مامسی خسیله الیوم بودجه لرده کی مواد قانونیه ایله معاشات فصول و موادی تشکیلات مزبورده اساسلری مقامنه قائم بولنمقده اولمسنه و قانون مذکورک بر شخصه ایکی جهتدن معاش اعطاسنی تحت ممنوعیته آلان اوتوز بشنجی ماده سی موجبنه قابل جمع اولمیان معاشدن مقصد بودجه لرده تشکیلات اساسیه جمله سندن اوله رق قبول ایدلمش اولان و بالاصاله ایفا ایدیلن مأموریت معاشلری اولدیغنی درکار بولنمسنه نظراً معاشلی بر مأموریتک ولو یومیه نامیله اولسون قسماً و یا تماماً تخصیصات معینه سیله مأمورین موظفه دائمیه تودیعنه مساغ قانونی اولمادیغنی مالیه و نافعه دائره سیله هیئت عمومیه دن با مضبطه انبا و تعمیماً دوائر تبلیغات اجرا قلنمش اولدیغندن اکا کوره ایفای مقتضاسی باتذکره سامیه ازبار و کیفیت تعمیماً قضاة کرامه اشعار ایدلمش اولمغله طرف فاضلانلرندن

دخی اکا کوره معاملہ ایفا ونسح ملفوفہ نك ملحقات قضاتہ اسرا سنہ ہمت اولمسی سیاقندم
شقہ محبی ترقیم قلندی . ۶ رجب ۱۳۳۴ و ۲۶ نیسان ۱۳۳۲

تذاکر و محررات علیہ

مفقودك عقارینك بیعی حقندہ
مفقودك عقاری مشرف خراب و بیعی انفع اولدینی صورتدہ قاضی بیعہ قادر اولہ جغنگ
فتواخانہ عالی افادہ سیلہ طرف شریفلرینہ اشعارینہ مبادرت قلندی
طلاق ثلاثہ نك بائنہ لحوقی حقندہ
زوج زوجہ سنی طلاق بائن ایلہ تطلیق ایتدکدن صکرہ عدتی ایچندہ تکرار طلاق ثلاثہ
ایلہ تطلیق ایتمش اولسه بو حالده زوج مطلق مطلقہ زوجہ سنی بلا حلہ تزوجہ قادر
اولہ میہ جغنگ فتواخانہ عالی افادہ سیلہ اشعارینہ مبادرت قلندی

ورثہ صغار حقلرندہ نقض ایدیلن بر اعلامك کبار حقندہ قطعیت کسب ایدہ جکنہ دائر [*]
حقلرندہ کسب قطعیت ایدن اعلامك نقضدن ورثہ کبار مستفید اولہ میہ جغنگ مجلس
تدقیقات شرعیہ افادہ سیلہ اشعارینہ مبادرت قلندی

وقفده نقصان اجرتك مسببه تضمینی لازم کلیہ جکی حقندہ [**]
حادثہ یہ نظراً نقصان اجارہ نك شرکت خیریه دن تضمینی لازم کلیہ جکنك فتواخانہ
عالی افادہ سیلہ طرف عالیترینہ اشعارینہ مبادرت قلندی اقدام

[*] بو بابده اوده مش قضاسی قاضیلکنك ۲۵ جادی الاخرہ سنہ ۳۳۴ تاریخلی تحریراتی خلاصہ سیدر :
ورثہ کبار وصغاری بولنان بر کسه نك علیهنہ صادر اولان بر حکم شرعی قبل التبلیغ وفاتہ
مبنی ورثہ کباریلہ صغاروك وصیلرینہ تبلیغ اولنوب مدت قانونیه سی ظرفندہ ورثہ کبار طرفلرندن
حکم مذکور تمیز ایدلیوب حقلرندہ کسب قطعیت ایلدیکی حالده صغار حقلرندہ انفاذی تمیزاً
تصدیقنه متوقف اولسی حسیبلہ صغاروك اوصیاسی و یاخود طوغریدن طوغری یہ محکومله طرفندن
لدی اتمیز فتواخانہ عالیدن و یا مجلس تدقیقات شرعیہ دن نقض ایلہ اعادہ محاکمہ سی امر بیوردینی
صورتدہ حقلرندہ حکم مذکور کسب قطعیت ایدن ورثہ کبارہ نقضك شمولی اولوب اولیہ جنی
خصوصندہ تردد حاصل اولقلہ کیفیتك استعلامنه اجتناسار اواندی اولبابده

[**] بو بابده اوقاف نظارتندن یزیرلان تذکرہ خلاصہ سی :
بشکطاشده واپور اسکله سنده شرکت خیریه اداره سی دکزدن التی یوز یکر می بش ذراع